



KETUA PENGARAH PENDIDIKAN MALAYSIA
Director-General of Education Malaysia
ARAS 8, BLOK E8, KOMPLEKS E
Level 8, Block E8, Complex E
PUSAT PENTADBIRAN KERAJAAN PERSEKUTUAN
Federal Government Administrative Centre
62604 PUTRAJAYA

Tel: 03-8884 6077
Faks: 03-8889 4548
Laman Web: www.moe.gov.my

Ruj. Kami : KPM 100-1/3/2 Jld.10(29)
Tarikh : 18 Disember 2024

Semua Ketua Bahagian
Semua Pengarah Pendidikan Negeri

YBhg. Datuk/Dato'/Tuan/Puan,

**SURAT SIARAN KEMENTERIAN PENDIDIKAN MALAYSIA BILANGAN 12
TAHUN 2024**

**KAMUS KOMPETENSI PEGAWAI PERKHIDMATAN PENDIDIKAN PEMIMPIN SISTEM
KEMENTERIAN PENDIDIKAN MALAYSIA MULAI TAHUN 2024**

Surat siaran ini bertujuan memaklumkan berkenaan penggunaan Kamus Kompetensi Pegawai Perkhidmatan Pendidikan Pemimpin Sistem Kementerian Pendidikan Malaysia Mulai Tahun 2024.

2. Kementerian Pendidikan Malaysia (KPM) sentiasa memastikan keupayaan pemimpin dalam organisasi kementerian ini kekal berkualiti sepanjang perkhidmatan selaras dengan Inisiatif #111: Pemantapan Profesionalisme Pegawai Perkhidmatan Pendidikan (PPP) dalam Pelan Pembangunan Pendidikan Malaysia 2013–2025. Sehubungan dengan itu, KPM menyediakan Kamus Kompetensi Pegawai Perkhidmatan Pendidikan Pemimpin Sistem Kementerian Pendidikan Malaysia sebagai rujukan kompetensi untuk meningkatkan kecekapan pelaksanaan tugas berdasarkan gred.

3. Pemimpin Sistem Kementerian Pendidikan Malaysia (PSiKPM) merujuk kepada PPP bawah laluan Kepimpinan dan Pengurusan yang bertugas di bahagian, jabatan pendidikan negeri (JPN), pejabat pendidikan daerah (PPD) dan institusi bawah KPM bermula dengan gred DG10 hingga DG14 Institusi bawah KPM yang terlibat ialah:

- 3.1 Institut Aminuddin Baki
- 3.2 Institut Pendidikan Guru
- 3.3 English Language Teaching Centre
- 3.4 Kolej Matrikulasi
- 3.5 Kolej Vokasional

4. Mesyuarat Profesional Kementerian Pendidikan Malaysia Bilangan 25 Tahun 2024 bertarikh 10 Oktober 2024 telah meluluskan Kamus Kompetensi Pegawai Perkhidmatan Pendidikan Pemimpin Sistem Kementerian Pendidikan Malaysia.

5. Kamus kompetensi ini mengandungi perincian tahap dan deskripsi kompetensi yang perlu dikuasai oleh PSiKPM berdasarkan gred. PSiKPM perlu merancang dan melaksanakan pembangunan profesionalisme berterusan bagi meningkatkan karisma, pemikiran global dan berinovatif.

6. Kamus Kompetensi Pegawai Perkhidmatan Pendidikan Pemimpin Sistem Kementerian Pendidikan Malaysia ini boleh dimuat turun daripada laman sesawang KPM melalui pautan <https://www.moe.gov.my>.

7. Surat siaran ini **berkuat kuasa serta-merta** mulai tarikh surat siaran ini dikeluarkan.

8. YBhg. Datuk/Dato'/Tuan/Puan hendaklah mengambil tindakan dan memastikan kandungan surat siaran ini dilaksanakan oleh semua pegawai yang bertanggungjawab di bahagian KPM, JPN, PPD dan institusi yang terlibat bawah pentadbiran YBhg. Datuk/Dato'/tuan/puan.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,


(HAJI AZMAN BIN HAJI ADNAN)

Ketua Pengarah Pendidikan Malaysia
merangkap Ketua Pendaftar Institusi Pendidikan dan Guru
Kementerian Pendidikan Malaysia

- s.k.
1. YB Menteri Pendidikan
Kementerian Pendidikan Malaysia
 2. YB Timbalan Menteri Pendidikan
Kementerian Pendidikan Malaysia
 3. Ketua Setiausaha
Kementerian Pendidikan Malaysia
 4. Semua Timbalan Ketua Setiausaha
Kementerian Pendidikan Malaysia
 5. Semua Timbalan Ketua Pengarah Pendidikan Malaysia
Kementerian Pendidikan Malaysia
 6. Penasihat Undang-Undang
Kementerian Pendidikan Malaysia